



Universitätsbibliothek Paderborn

**Illvstrivm Miracvlorvm Et Historiarvm Memorabilivm Lib.
XII**

Caesarius <Heisterbacensis>

Antverpiae, 1605

De monacho, qui ab altero ob inuidiam criminatus & incaceratus est, &
gloriosè eductus, cap. 24

urn:nbn:de:hbz:466:1-13177

lienæ. Huius filiae sunt odium, susurratio, detractio, exultatio in aduersis proximi, afflictio in prosperis eiusdem. Hoc vitium de angelo diabolū fecit: hoc vitiū hominē de paradiſo eiecit. Inuidia enim diaboli, mors *Sap. 2.*
introiuit in orbem terrarum. Quam graue & periculōsum sit hoc vitium, in epistola tua Ioannes breui sermone concludit, dicens: Qui odiſ fratrem suum, homicida est. Hoç vitium quanto est occultius, tanto periculosius.

CAPVT XXIV.

Non est diu, quod monachus quidam, stimulis, inuidiæ agitatus & superatus, quandam ex fratribus suis adolescentem accusauit apud Abbatem, imponens ei crimina pessima: cui cū minūs Abbas crederet, ille ad maiorem vindictam usque ad Visitatoris præsentiam suam accusationem reseruauit. Quid plura? Tanta apud illum inuidiæ machinatio profecit, ut ipse Visitator inueni vitia relata in capitulo corā omnibus objiceret, negāti & Deū innocētiæ suæ testem inuocati nō crederet, sed habitu trūcato carceri māciparet. Post cuius discessū, Deus iudex iustus, inuidū infirmitate peremptoria flagellauit: timēs verò mori, confessus est iuuenē ex inuidia se accusasse. Quod cū ex cōſilio cōfessoris seniorib⁹ propalasset, statim pro Visitatore missū est: qui territus ad monasteriū ocyūs rediit, ipse carcerē intravit, ad pedes monachi se prostrauit, & vt sibi ignosceret, quod ignorāter in eū deliquerat, supplicās, etiā reluctantē eū cū gloria eduxit. Hæc mihi relata sunt à quodam Abbatे, qui visitationi eidem interfuit. APOLLON. Puto monachum istum in tam grandi tentationē meruisse. CÆSAR. Quod fornax auro, quod lima ferro, quod flagellum grano, quod vuæ torcular, hoc ei eadem fuit tentatio. Seruauit enim in tribulatione patientiā. Inuidio autem sua erat inuidia, quod venenum stomacho, quod tinea vestimento, quod erugo flori, quod tabes corpori. A P O L L O N I V S: Si nosti adhuc aliqua de tentationibus inuidiæ exempla, precor ut mihi recites illa. CAESARIUS: Quia latens morbus est inuidia, nullū ad præsens occurrat.

*Inuidia
exempla.*

currit exemplum, quod vel memoria sit dignum, ^{et} adificationi necessarium. Referam tibi tamen quan-

dam sanctam inuidiam, quam te audire delectet.

CAPUT XXV.

*Inuidia
sancta.*

ANNO præterito in monasterio quodam or-
dinis nostri iuxta Frisiā, quod Iesse dicitur,
duæ paruulæ pueræ ad literas positæ fuerūt.
Quæ cum magno feroce discentes, satis inter se con-
tenderunt, ut una alteri in studio & scientia superior
haberetur. Interim contigit vnam infirmari, quæ co-
paris sui profectui inuidens, satis cœpit tentari, timēs
quod interim multa discere posset, vocansque Priorissam,
cœpit illi supplicare, dicens: Bona domina, quā-
do venerit ad me mater mea, ego requiram ab ea sei-
denarios, quos vobis dabo, ut non patiamini discere
fororem meam donec conualero: timeo enim, ne
præcellat me. Ad quod verbū subrisit Priorissa, puel-
la feroce satis admirans. A POLLONIVS: Dic obse-
cō quæ est medicina contra inuidiam. CAESARIVS:
Obsequia charitatis.

CAPUT XXVI.

*Remedia
contra
inuidiam.*

MAgister Rudolphus Scholasticus Colonensis,
quem ego bene noui, & frequenter audiui, disci-
pulos suos instituens, exemplum contra inuidos
docuit, dicens: Frater aliquis quendam ex fratribus suis
ita exosum habuit, ut sine cordis sui cruciatu illum re-
spicere non posset: Quod ille sentiens, & vulnus cor-
dis eius sanare cupiens, fratrem tam periculosè tenta-
tum, imo in ipsa tentatione omnino superatum, ob-
sequiis charitatis ad suum amorem, quantum potuit,
inclinauit. Capitale eius vertit & mollificauit, vestes
excussit, calceamenta circa lectum cōposuit, & quic-
quid ad illius commodum esse nouerat, in quantum
licuit & potuit, exhibuit. Sic ille inuidus obsequiis e-
ius deuictus, & ad cor reductus, conceptum inuidia
venenum expulit, & quem prius oculo æquo respice-
re non potuit, plus postea cæteris dilexit. Hæc de vi-
tio inuidiae pro exemplo dicta sint. Hoc vitium quia
cæteris Deo, qui charitas est, plus videtur esse contra-
rium,

1.144.4.